

**ZAKON
O IZMJENAMA I DOPUNAMA ZAKONA O UTVRĐIVANJU I REALIZACIJI
POTRAŽIVANJA GRAĐANA U POSTUPKU PRIVATIZACIJE**

Član 1.

U Zakonu o utvrđivanju i realizaciji potraživanja građana u postupku privatizacije ("Službene novine Federacije BiH", broj 27/97) član 3., stav 1. mijenja se i glasi: "Lice koje ima deviznu štednju u bankama ili poslovnim jedinicama sa sjedištem na teritoriji Federacije iznad 100 KM, a bilo je državljanin bivše Socijalističke Republike Bosne i Hercegovine i na dan 31. marta 1991. godine imalo prebivalište na teritoriji koja sada pripada Federaciji stiče potraživanja prema Federaciji sa stanjem na dan 31. marta 1992.godine".

U stavu 2. iza riječi "državljanstvo" dodaju se riječi: "bivše Socijalističke Republike", a riječi: "na dan stupanja na snagu ovog zakona", brišu se.

Član 2.

U članu 18. stav 1. riječi: "njihovog upisa na Jedinstveni račun" zamjenjuju se riječima: "dana izdavanja izvoda sa Jedinstvenog računa, a nakon upisa potraživanja po pojedinim vrstama".

Član 3.

U članu 19. broj: "60" zamjenjuje se brojem: "210".

Član 4.

U članu 21. broj: "90" zamjenjuje se brojem: "270".

Član 5.

Ovaj zakon stupa na snagu danom objavljivanja u "Službenim novinama Federacije BiH".